

semotis fluctuacionibus, pacatis turbinibus, pax et tranquillitas refloreat in domo domini ad ipsius gloriam et animarum salutem. Quibus de rebus et sincera intencione huius sancte sinodi plenius cum vestris devocionibus loquantur dilecti ecclesie filii Nicolaus Amici, sacre theologie professor, canonicus Cameracensis et Iohannes de Rene, decretorum doctor, prepositus Aldensalensis, oratores nostri quos benigne audire et dicendis per eos fidem credituram exhibere velint eedem devociones vestre quas feliciter conservare dignetur altissimus. Datum Basilee XIII. kal. novembris anno a nativitate domini millesimo quadringentesimo quadragesimo quinto.

Mi. Galteri.

10

58.

Nicolaus Slendorff, Dekan der Kirche zu St. Sixtus in Merseburg, läßt den Leipziger Studenten Martin Kochstedt wegen einer dem Magister Johannes Cratzberg zugefügten körperlichen Verletzung nach Merseburg vor Gericht citiren.

Merseburg, 1445 Oct. 26.

Hdschr.: Universitätsbibliothek Leipzig Cod. mscpt. No. 176 fol. 300.

15

Nicolaus Slendorff decanus ecclesie sancti Sixti Merseburgensis, executor statutorum provincialium sacri concilii Magdeburgensis per civitatem in Lyptzk ceterisque per civitates et dyocesim Merseburgensem ubilibet constitutis pro execucione presencium requisitis salutem in domino. Pridem pro parte cuiusdam Martini Kochstede scholaris Lypczensis nobis propositum fuit, quod ipse Martinus inadvertenter manus violentas iecisset in magistrum Iohannem Craczberg, magistrum in artibus et medicine baccalarium, in alma universitate studii Lyptzensis collegiatum, ipsumque leviter ad sangwinis effusionem in facie lesisset, de quo doleret et super huiusmodi lesione cum dicto magistro concordatus esset sibi emendacionem condignam fecisset, unde nobis supplicatum fuerit, quatenus ipsum Martinum a sententia excommunicacionis, si quam propterea incurrisset, ac alias ab huiusmodi excessu absolvere et sibi poenitentiam salutarem indulgere dignaremur. Nos vero credentes verbis ipsius proponentis, advertentes quod sancta mater ecclesia nulli claudit gremem ad poenitentiam redemiti, dictum Martinum super dictis propositis, si ita esset prout nobis fuit propositum, cum nostris litteris duximus absolvendi et poenitentiam, si dicto leso satisfecisset, levissimam iniunximus. Et ex post constitutus coram nobis dictus magister Craczberg graviter querulando contra dictum Martinum et certos suos in hoc excessu complices in effectu proposuit, quia dictus Martinus cum suis complicibus videlicet Nicolao Puel et Ambrosio Kannengeter de Franckenford tempore nocturnali, dum ipse magister Iohannes se locasset dormitum, venisset ante dictum collegium et specialiter versus cameram ipsius magistri Iohannis et inibi strepitum fecisset ac verbis contumeliosis provocasset. Ipse vero magister Iohannes volens videre qui essent ibi cum tali strepitu et ipsos ad pacem inducendo, stando in fenestra sua, tunc unus inter eos iactasset ipsum cum quodam lapide in faciem suam circa oculum et narem